

14.08.2025

UKA2025/163

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Nunatsinni atuarfinnut namminersortunut aningaasatigut tapiissuteqartannginnissamut Naalakkersuisut inatsisissatut siunnersuummik suliaqaqqullugit Inatsisartut aalajangiiffigisassaattut siunnersuut. Inatsisissatut siunnersuut kingusinnerpaamik UKA2026-mi saqqummiunneqassaaq.

(Inatsisartunut ilaasortaq Kuno Fencker, Naleraq)

Tunngavilersuutit:

Nunatsinni naapertuilluartuuneq, ataqatigiittumik pisortani atuarfeqarfeqarnerup illersornissaa Naleqqap isumagaa, meeqqat qanoq tunuliaqutaqarnerat apeqqutaanani tamarmik assigiimmik atuartinneqarnissamik neqeroorfigineqartarlutik. Meeqqat atuarfiinik namminersortunik peqarnek pisortanit aamma aningaasaliiffigineqartartumik – soorlu Nuummi Nuuk International Friskole – taanna inuiaqatigiinni immikkoortiterinermut atuartitsinermullu naligiissisitsilluni isernissamut tunngaviumut qajannarsisitsisunut ilaavoq.

Naleqqap isumannaarusuppaa pisortanit aningaasalersorneqartumik ataatsimoorussamik meeqqanut atuarfeqarnerup nukittorsarnissaa, taannalu ilaqutariinnut nukittuunut immikkut atuarfeqarnermik assingusumik neqeroorfigineqarnissaannik tapertaassanngilaq. Ikittuinnarnit qinerneqarsinnaasumut tamanullu ammatinneqanngitsumut pisortat ikiorsiitillugit tapiissutitut atorneqassanngillat.

Angajoqqaat meeqqami atuartinneqarnissaannut allanut toqqaasinnaanerminnut pisinnaatitaaffiat Naleqqap akueraa. Taanna kiffaanngissuseq piussaaq – kisianni pisortanit aningaasalersorneqarani. Angajoqqaatut nammineq isuma malillugu aaqqiisummik kissaateqaraanni, taava nammineq aningaasartuutit atugassat nammineq isumagineqartariaqarput. Tamanna nunani atugarissaarfiusunut assiguvoq tunngaviummik akisussaaffimmik naligiissitaanermillu aallaaveqarluni.

Nunatsinni meeqqat tamarmik atuarfimmi naapittarnissaannik periarfissaq Naleqqap sulissutigaa, klassi ataatsimoorfik atugassarititat assigiik – aningaasatigut imaluunniit inuttut atukkatigut tunuliaqutit qanorluunniit ikkaluarpata. Ataatsimut atuarfeqarfik ataqatigiinnermik, inuiaqatigiittut kinaassusermik aamma tamat oqartussaqaataasut naligiissunik pilersitsiniaraanni piumasaqaataavoq.

Aalajangiiffigisassatut siunnersuutip atortussanngortinneqarnerata Naalakkersuisut meeqqaat atuarfiata inatsisaata allanngortinnissaanut siunnersuuteqarnissamik suliaqaqquneqassapput, taamaalilluni siunissami nunatsinni atuarfiit namminersortut pisortanit aningaasatigut tapiiffigineqartarunnaarniassamata. Taamaalilluni atuarfiit namminersortut namminneq imminut aningaasalersulissapput, kommuniniit Namminersorlutillu Oqartussaniit pisortanit tapiissutinik pisarunnaarlutik.

Taamatut oqaaseqarlunga Inatsisartuni suliarilluarneqarnissaanut tunniuppara, tassuunakkut innuttaasut skatimut akiliutaasa inuiaqatigiinni nalogiinnerulersitsisumik pilersitsitsiniassaagatta.

Pisortanut aningaasatigut allaffissornikkullu kingunerisassai:

Naliginnaasumik AC-fuldmægtigip ukiup affaanut suliarisinnaasaasa naatsorsorneri kr. 250.000. Taassuma saniatigut aalajangiiffigisassatut siunnersuutip atortussanngortinneqarnera pisortanut aningaasatigut allaffissornikkullu kinguneqarnaviangilaq.

Aalajangiiffigisassatut siunnersuut atortussanngortinneqassappat Naalakkersuisut inatsisissamut siunnersuummik suliaqassapput atuarfiit namminersortut sapinngisamik sipaarfiginerisigut kommunimut namminersorlutillu oqartussat aningaasaliiffigisartagaannut sipaaruteqarnissamik malitseqartussanngortillugu.

Namminersortunut aningaasaatigut allaffissornikkullu kingunerisassai:

Aalajangiiffigisassatut siunnersuut imminermi namminersortunut aningaasatigut allaffissornikkullu kinguneqarnaviangilaq.

Aalajangiiffigisassatut siunnersuut atortussanngortinneqassappat Naalakkersuisut aningaasatigut allaffissornikkullu kingunerisassai atuarfinnut namminersortunut aningaasaliissutaasartunut pioreersunut kinguneqartitsissaaq, taakkumi pisortanit aningaasatigut tapiiffigineqaratik nammeneq aningaasaliisalertussaassammata.

Innuttaasunut aningaasatigut allaffissornikkullu kingunerisassai:

Aalajangiiffigisassatut siunnersuutip atortussanngortinneqarnera innuttaasunut aningaasatigut allaffissornikkullu kinguneqarnaviangilaq.

Saqqummiussinermi inatsimmullu siunnersuutip atortussanngortinneqaratarsinnaanerani angajoqqaanut atuarfinni namminersortuni atuartitsinissamut kisaateqartunut aningaasatigut kinguneqassaaq, taakkumi meeqqami atuarfimmi namminersortumi atuartinnissaat nammeneq aningaasalersussammassuk. Akerlianillu meeqqat atuarfimmit



namminersortumiittuniit innuttaasumut naligninnaasumut pisortanit aningaasartuutini
minnernik malitseqassapput, tamannalu ilinniartinnut isernissamut nalgijinnerulersitsinissaa
naatsorsuutigisinnaavarput.